

Combating Trafficking in Human Beings



HELP

Human Rights Education for Legal Professionals
Council of Europe

Funded
by the European Union



EUROPEAN UNION

COUNCIL OF EUROPE



CONSEIL DE L'EUROPE

Implemented
by the Council of Europe

**BORBA
PROTIV TRGOVINE
LJUDIMA**

**HELP ONLINE
KURS**

Trajanje: 13 sati

Dostupno besplatno na
platformi VE za e-učenje
HELP

Potvrda o završenom kursu

POKRENI KURS 

Vijeće Evrope
Program edukacije o ljudskim pravima
za pravnike (HELP)

2024.

Uvodne informacije i glavni koncepti

Trgovina ljudima je teško krivično djelo, kao i ozbiljno kršenje ljudskih prava sa hiljadama žrtava godišnje širom svijeta, uključujući i Evropu. Svi pokazatelji ukazuju na povećanje broja žrtava. Trgovina ljudima, koja je često povezana sa organiziranim kriminalom i trenutno predstavlja jednu od njegovih najunosnijih aktivnosti, se mora suzbijati, gdje god da se otkrije, sa jednakom revnošću kao trgovina drogom i pranje novca.

Borba protiv trgovine ljudima poprima sve veću pažnju u svijetu zato što trgovina ljudima ugrožava ljudska prava i osnovne vrijednosti demokratskih društava. Borba protiv ovog ustrajnog napada na čovječanstvo je samo jedan od niza frontova na kojima se Vijeće Evrope bori za zaštitu ljudskih prava i ljudskog dostojanstva.

Trgovina ljudima, koja podrazumijeva zarobljavanje žrtava, predstavlja moderni vid stare svjetske trgovine robovima. Ljudska bića se tu tretiraju kao roba koja se kupuje i prodaje i dalje koristi za prisilni rad, obično u seksualnoj industriji, ali isto tako i u poljoprivrednom sektoru na primjer, u prijavljenim ili neprijavljenim izrabljivačkim pogonima, gdje rade za bijedna ili nikakva primanja. Većina identificiranih žrtava trgovine su žene, ali ima i muškaraca. Pored toga, veliki broj žrtava čine mladi, a ponekad i djeca. Svi očajnički žele da zarade za skroman život, a na kraju postaju žrtve izrabljivanja i pohlepe.

Djelotvorna strategija za borbu protiv trgovine ljudima mora biti multidisciplinarna i uključivati prevenciju, zaštitu ljudskih prava žrtava, krivično gonjenje trgovaca ljudima, kao i usklađivanje domaćih zakona i garantiranje njihove jednoobrazne i djelotvorne primjene.

Vijeće Evrope je od kraja 1980-ih pokrenulo niz inicijativa za borbu protiv trgovine ljudima koje su kulminirale usvajanjem [Konvencije o akciji protiv trgovine ljudima](#) u maju 2005. godine koja je stupila na snagu 1. februara 2008. Pored inkriminacije trgovine i krivičnog gonjenja trgovaca ljudima, Konvencija predviđa pozitivne obaveze država da donesu efikasne mjere za sprečavanje trgovine ljudima, zaštitu prava žrtava trgovine ljudima i međunarodnu saradnju i saradnju sa civilnim društvom po tim pitanjima. Zaključno sa februarom 2024. Konvenciju je potpisalo svih 46 država članica VE, kao i dvije države koje nisu članice - Bjelorusija i Izrael (pogledati [tabelu potpisa i ratifikacija](#)).

Ažuriranje ovog kursa finansirano je u okviru programa Evropske unije „Pravosuđe“ (2021-2027)

Pored Konvencije Vijeća Evrope o akciji protiv trgovine ljudima, u okviru ovog kursa se obrađuje i sudska praksa Evropskog suda za ljudska prava, odgovarajući instrumenti na nivou Evropske unije, kao i ostali međunarodni instrumenti i dobre prakse na nivou država sa posebnim osvrtom prvenstveno na zaštitu žrtava trgovine ljudima.

O HELP kursu

HELP kurs pod nazivom **Borba protiv trgovine ljudima** je sveobuhvatan kurs koji ima za cilj bolje upoznavanje pravnika i drugih relevantnih aktera sa važećim **međunarodnim i evropskim (VE i EU) standardima**. Kurs pruža informacije o najvažnijim instrumentima na međunarodnom i evropskom nivou, kao i o njihovoj praktičnoj primjeni u Evropi i šire. Kurs je osmišljen tako **da zadovolji potrebe učenja pravnika i drugih struka koje rade na borbi protiv trgovine ljudima**.

Kurs je prvobitno razvijen 2017. godine, a **ažuriran je 2024.** u okviru [Programa edukacije o ljudskim pravima za pravnike \(HELP\) Vijeća Evrope](#) na osnovu [HELP metodologije](#) i u bliskoj saradnji sa Sektorom VE za borbu protiv trgovine ljudima. Ažuriranje kursa je omogućeno zahvaljujući projektu **EU-VE „HELP u EU III“** kako bi se njime obuhvatila najnovija praksa evropskih sudova (Evropskog suda za ljudska prava i Suda Evropske unije), kao i okvir EU i VE.

Ciljna grupa

Ovaj besplatni online kurs je prvenstveno namijenjen pravnicima:

- sudijama (naročito onima koji rade u parničnim i krivičnim odjeljenjima)
- tužiocima
- advokatima
- višim sudskim službenicima

Kurs također može biti koristan organima za provođenje zakona, službenicima domaćih institucija za zaštitu ljudskih prava i tijela za ravnopravnost, stručnjacima u oblasti trgovine ljudima koji učestvuju u sudskim postupcima i stručnjacima koji rade u sistemu zaštite žrtava te onima koji rade u oblasti zaštite od diskriminacije, kao i osoblju organizacija civilnog društva, studentima prava itd.

Ažuriranje ovog kursa finansirano je u okviru programa Evropske unije „Pravosuđe“ (2021-2027)

Pregled kursa

Uvod

- O kursu i programu HELP Vijeća Evrope
- Kome je kurs namijenjen i ko ga je pripremio
- Ciljevi učenja
- Uvodni video
- Resursi i struktura

1

Uvod i pravni okvir

- Danova priča
- Opšti pravni okvir
- Doprinos Vijeća Evrope borbi protiv trgovine ljudima

2

Definicije i pravni koncepti

- Definicija i elementi trgovine ljudima (THB)
- Praksa Evropskog suda za ljudska prava u oblasti THB
- Koncept bespomoćnost i uloga pristanka žrtve u slučajevima trgovine ljudima
- Razlika između trgovine ljudima i krijumčarenja migranata

3

Identifikacija žrtava

- Pravilna i blagovremena identifikacija žrtava THB
- Obaveza države da ima nadležne organe i kvalificirane stručnjake osposobljene za identifikaciju žrtava THB
- Različiti pokazatelji THB za različite vidove eksploatacije
- Akteri uključeni u identifikaciju žrtava

4

Pomoć žrtvama trgovine ljudima

- Pravo žrtava trgovine na pomoć i obaveze države u tom smislu
- Minimalni standardi zaštite koju su države dužne pružiti žrtvama
- Pravo na period oporavka i razmišljanja
- Minimalni uslovi za davanje privremenih boravišnih dozvola žrtvama trgovine ljudima

5

Princip nekažnjavanja

- Koncept i uloga principa nekažnjavanja u borbi protiv THB
- Međunarodni pravni okvir principa nekažnjavanja i praksa Evropskog suda za ljudska prava
- Prisila
- Situacije u kojima se princip nekažnjavanja može primijeniti
- Identifikacija žrtava trgovine ljudima i poveznica za primjenom principa nekažnjavanja

Ažuriranje ovog kursa finansirano je u okviru programa Evropske unije „Pravosuđe“ (2021-2027)

6

Istraga, krivično gonjenje i prava žrtava

- Međunarodni pravni okvir za istragu i krivično gonjenje u predmetima trgovine ljudima
- Proceduralni zahtjevi za istragu i krivično gonjenje u predmetima trgovine ljudima
- Uloga finansijskih istraga u predmetima trgovine ljudima
- Način prikupljanja baze dokaza u predmetima trgovine ljudima, uključujući odgovarajuće dokaze i istražne radnje za njihovo prikupljanje
- Transnacionalni slučajevi trgovine ljudima i instrumenti međunarodne saradnje
- Pristup zasnovan na potrebama žrtava u predmetima trgovine ljudima
- Mjere za sprečavanje sekundarne viktimizacije, garantiranje sigurnosti i zaštite žrtava i davanje prioriteta najboljem interesu djece žrtava u predmetima trgovine ljudima

7

Izricanje kazne

- Međunarodni pravni okvir za izricanje kazne u predmetima trgovine ljudima
- Faktori, okolnosti i aspekti koji se moraju uzeti u obzir kod utvrđivanja vrste i težine kazne
- Odgovarajući vidovi kazne u predmetima trgovine ljudima
- Implikacije pravne prekvalifikacije trgovine ljudima u lakše djelo

8

Naknada štete

- Značenje i različiti načini obeštećenja
- Naknada štete, njena svrha i zašto se ona garantira žrtvama trgovine ljudima
- Pravni okvir na kojem počiva pravo na žrtava trgovine ljudima na naknadu štete
- Prepreke i izazovi u dobijanju naknade štete
- Vrste štete za koje se može dobiti naknada
- Postojeće procedure za ostvarivanje prava na naknadu štete

9

Pravo na međunarodnu zaštitu, povratak i repatrijaciju žrtava trgovine ljudima

- Raspoloživi vidovi međunarodne zaštite žrtava trgovine ljudima
- Međunarodni pravni okvir za povratak i repatrijaciju
- Princip zabrane vraćanja ili protjerivanja
- Kada su vraćanje ili repatrijacija žrtava mogući i potencijalni sigurnosni rizici
- Prava koja treba uzeti u obzir pri odlučivanju o repatrijaciji žrtava trgovine ljudima
- Koncept „po mogućnosti dobrovoljnog“ povratka i njegove implikacije

10

Tehnologija i trgovina ljudima

- Uticaj tehnologije na vrbovanje i eksploataciju žrtava trgovine ljudima
- Kako inicijative koje podrazumijevaju korištenje tehnologije mogu pomoći žrtvama trgovine ljudima
- Korištenje tehnologije za potrebe istrage u predmetima trgovine ljudima

11

Trgovina ljudima u svrhu radne eksploatacije

- Pravni okvir vezan za trgovinu ljudima u svrhu radne eksploatacije i definiranje krivičnih djela
- Glavni akteri uključeni u proces identifikacije i istragu
- Identifikacija žrtava i utvrđivanje krivičnog djela
- Izazovi u identifikaciji žrtava

Ažuriranje ovog kursa finansirano je u okviru programa Evropske unije „Pravosuđe“ (2021-2027)

- Prava žrtava
- Istraga i suđenje u predmetima trgovine ljudima u svrhu radne eksploatacije
- Raspoloživi pravni lijekovi za žrtve

Kako pristupiti HELP online kursu

Kurs je dostupan besplatno u formatu samostalnog učenja na [platformi VE za e-učenje HELP](#). Ukupno trajanje nove verzije kursa je oko **devet sati**, a oni koji ga završe u ovom formatu samostalnog učenja mogu dobiti elektronsku „**Potvrdu o završenom kursu**“. Za pristupanje kursu potrebno je imati nalog na platformi HELP. Ako nemate nalog, možete ga otvoriti [ovdje](#) - za to vam treba samo par minuta.

Is this your first time here?

Create new account

Ažuriranje ovog kursa finansirano je u okviru programa Evropske unije „Pravosuđe“ (2021-2027)

Funded
by the European Union



COUNCIL OF EUROPE



Implemented
by the Council of Europe